



Gobierno kier inaugura Plaza Padu dia 17 di Maart venidero



ORANJESTAD (AAN): Riba plaza Padu tin basta desaroyo y tin un fecha den mente. Minister Benny Sevinger a splica con esaki ta bayendo, e inversion y tambe e importancia pa tin un Plaza Padu.


E ta un idea cu ta bin for di prome minister for di tempo cu tabata den oposicion. Si pueblo por corda, tabata tin desaroyonan di Gobierno anterior cu no kier of no por a inverti den centro di ciudad. Caya Grandi a worde pasa pa comerciantenan cu tabata tin interes den tuma esaki. Tambe e edificio di gobierno, cu edificio di Gobernador, hunto cu Parlamento a worde bendi na comerciantenan pasobra Gobierno no tabata interesa pa inverti den e edificio aki y for di e tempo ey a bin cu un comision cu a traha riba planes pa wak con ta salba nos centro di gobernacion, tanto e

parti di Gobierno como e parti di Parlamento como e parti di Gobernador y asina ey prome minister a bin cu e idea pa bin cu un binnehof.

Na Hulanda tin un binnehof rond di e edificionan

esey a haci diferente diseño tempo cu tabata den oposicion y na momento cu a drenta den Gobierno a cuminsa traha riba esakinan.

Si mira rond di Plaza padu, tin e edificionan historico



monumental di gobierno y e idea ey kier a trece den centro di ciudad, rond di e edificionan di Gobierno. Riba

monumental di nos pais y a hink'e den un forma di un plaza, unda cu tur e edificionan aki ta haya nan balor y unda cu por celebra tambe partinan cultural. E diseño aki a cuminsa bao di guia di sr. Rafi Kock, kende



a haci e diseño di conecta, tanto e parti pabao, unda cu ta drenta caya principal, te na Fort Zoutman. Parti pabao tin un as cu ta cay net riba Fort Zoutman, cual ta e vertical as, e horizontal as tambe ta worde accentua cu e edificionan monumental y esaki a worde parti e ora ey, unda e Plaza cu e estatua di Padu lo bay bin. E parti ey, ta e parti mas pariba unda e ta haya su gloria, e parti accentua di e plaza aki. E estatua caba di Padu ta na Aruba. Na e momentonan aki e contratista ta cabando cu e trabaonan y pa 17 di Maart den un celebracion di nos dia

nacional, dia 18, e plaza aki ta worde inaugura cu eventonan cultural, cual departamento di cultura, hunto cu e minister di cultura, Eman, ta trahando riba esakinan.

Tabata tin reunionnan den e dianan aki hunto cu e contratista y DOW pa mira e schedule, con ta caba y con lihe por yega na esaki y te na e momentonan aki no tin ningun preocupacion cu e dia 17 di Maart, cual lo ta cla, pa e Plaza aki worde inaugura. Si tur cos ta bon Padu mes ta corta e cinta, pa e plaza aki haya su bida y bin na vigor pa pueblo por disfruta di dje.